



Chronicon chronicorum ecclesiastico-politicum

ex huius superiorisque aetatis scriptoribus concinnatum ; qua non modo pontificum, archiepiscoporum, abbatum, &c., set et doctorum armis literisque illustrium, dies natalis ... egregiaque eorum ... facinora ... breviter delineantur ...

Gruterus, Janus

Francoforti, 1614

XVII. Præpositi Wiennenses.

[urn:nbn:de:hbz:466:1-64659](https://nbn-resolving.org/urn:nbn:de:hbz:466:1-64659)

concionibus, Bernhardo in Episcopatu Vviennensi suffectus est.

Petrus Bononius Tergestinus Episcopus, cum mortuo Maximiliano scriniorum magistri munus per Austriam obiret, huius simul Episcopatus Vviennensis administrationem habuit: vt ferunt, adhuc in vivis, Tergesti, multo senio venerandus.

Ioannes à Revellis, Burgundus, Ferdinando Archiduca Maximiliani Imperatoris ex Philippo filio nepoti, ab elemolynis, Bononio adhuc viuenti, à Ferdinando in Episcopatu Vviennensi substitutus est, anno Domini 1522. obiit anno 1530.

Ioannes cognomento Fabri, ex Leukhirsch, Suenus Ferdinandi regis Romani à confessione, sacrae Theologiae doctor, in Vviennensi Episcopatu ab hero suo superuoluo Ioanni substituitur, anno Domini 1531. obiit anno 1544.

*C A T A L O G V S P R A E P O S I T O -
rum Vviennensium.*

Thomas à Cilia Constantiensis praepositus, quo tempore veterem praeposituram Fridericus tertius ad Episcopale fastigium extulisset, in noua à se constituta, cathedrali item praepositura, primus ab eodem principe inauguratus est, anno Domini 1480.

Virgilius Cantzler, praepositus Wiennensis in noua praepositura, obiit anno 1503.

Iustus Khalman, praepositus Wiennensis, obiit anno 1510.

Ioannes Buschius Cuspiniæ sororius, & Maximiliani Caesaris aulicus, & postea praepositus Wiennensis, obiit anno Domini 1517.

Paulus ab Obersteyn, I. V. doctor, & Maximiliano Caesari à secretis, & scriba à latinis, ab eodem principe Ioanni substituitur, cum multis annis praeposituram Wiennensem gubernasset. obiit nostra memoria, anno Salutis 1544.

Ioannes

Ioannes Rosinus, orator & insignis poeta, Ferdinandi regis Romanorum aulicus, & ingenuorum puerorū præceptor, ex Clareuallensi in Zuerl præpositura, ab eodem rege ad cathedralem wiennensem vocatus, cum vix annum vnum administraffet, fatorum iniquitate intempestive abreptus est, anno 1545.

Ioannes Saur, sacræ Theologiæ doctor, Ferdinandi regis à concione, anno, dum hæc scriberemus, Rosino in Wiennensi præpositura est successus. adhuc in humanis est.

Fredericus cognomento Nausea, Francus, sacræ Theologiæ & legum doctor, Ferdinando Romanorum Hungariæ & Bohemiæ regi à sacra concione, Fabro in Episcopatu Wiennensi substitutus est. Qui in hanc vsque diem, omnibus numeris officij sui impletis, proprio ex concione plebeculam suam instituendo sermone, colloquiis cum aduersa parte transigendo, feliciter eandem diœcesim administrat.

ABBATES FULDENSES EX PRONVERIO.

I.

Sturmus vel Sturmio primus Abbas Fuldensis & Saxonix Apostolus; cœpit anno Christi 744. præfuit annis 35. mortuus 17. kal. Janu. 779.

II.

Baugolfus, Adriani Pontificis gratia literisq; clarus, præfuit annis 22. desijt 802. superfuit honori annis 13. diem suam functus Christi anno 815.

III.

Ratgarius nobili in Germania satu, cœpit 802. præfuit 15. desijt 817.

IV.

Agil origine Norica S. Sturmionis propinquus cœpit 818.